



17292

I

Mag. St. Dr.

P

Dno

Marchese

Vicellin' Savio: Panegjio's ferendatmo
Wladislas Sigism. felicitat' a bello
Turcico resceunti. 1621.

PAND. et VITAM

Folios. 4^o

1117.

Biblioteka Jagiellońska



stdr0002082

1733
PANEGYRIS

SERENISSIMO

WLADISLAO

SIGISMUNDO,

Dei Gratia Poloniae & Sueciae Principi:

Electo Magno Duci Moschouiae,
Smolenscen. Seuerien. Cernkouien. Du-
catuum Administratori:

172925 *Feliciter è*

BELLO TVRCICO REDEVNTI,

&

Academiam Crac. ipsis Nonis Decemb. inuisenti.

M. IACOBO VITELLIO Collega Minorè
Ordinario Eloq. Professore.

Impensis G. D. Bartholomei Nowodvorski.

CRACOVIAE,

In Officina Matthiae Andreouiculis, A. D. 1621.

Te florente virebo.



Sarmatiæ tantumdem estis fœlicia regna.
 Donec erit vestris iste manipulus agris.

Ode Dic. Tetr.

Regum sceptrigerorum plaga quos videt
Arctoa, in geminis atq; Trionibus
Opræstans Decus, & sanguine ab inclyto
Diuorum lagelonide.

Quid pro te incolumi, sospitibus Dijs,
Fortunæq; Bonæ, nostra Academia
Quid dulcis voueat patriâ, tam fero

Conseruata periculo
Harpijs implicitus terga furentibus
Regnorum ille vorax helluo, dum viam ad
Florentem Hesperiam, Sceptraq; cætera
Affectat stolidè nimis:

Per nostrum latus hoc, nostraq; viscera,
Tàm stultè appetijt; primaq; ianua hæc
Effringenda fuit, barbaricaq; ope,

Ferratæq; Asiæ manu.
Nos prima Osmanio pabula fulmine
Consumenda parabamur; at ille nos
Immunes malo ab hoc, ille Deus tuo
Teetos præsidio extulit.

190. Sensit Danubij ripa binominis
Sub quantis gemeret molibus, agmina
Monstrososq; greges, quantum ageret, scelus
Intra se male murmurans
Diurumq; hominumq; ille nefarius
Exturbator: ita vt ferrea spiculis
Et solem ex oculis eriperet seges
Et cælos quateret metu.

Sed vis consilij nescia, corruit,
Scseq; in laqueos inseruit suos:
Impingensq; truci in naufragio, amplius
Spes non promouet impias,
Nostris affuerat sacra periculis,
Affulsitq; malis, Lux lagelonia,
Seclo Sarmatiæ progenita aureo,
Et nubem armiferam, malo
Gradiuo grauidam, Threijciæ expulit.
In spelæa, sui sanguinis ebriam,
Poscentem opprobrio fœdera cum suo, &
Quam fregit stolidè fidem,

O quæ

1763
O quæ lauta diem hunc mactet adorea,
Aut quæ thura sacris sufficient focis;
Plaudenti quis erit lætitiæ modus,
Fracto Threijciæ impetu.

Nostrorum inualidis agmina viribus,
Imbellesq; manus, pessimè vt autumant,
Incensi properè, de stationibus
Irarum stimulis ruunt:

Castrorumq; aditus, primaq; limina
Conuellunt, animis Martè furentibus,
Incumbuntq; crebris arietibus dare,
In planum aggeris obijcem.

Sed prensi veluti sub stabulis lupi
Quos cæca ingluuies excierat: suam
Circùm perniciem, & densa cadauera
Et truncas acies vident.

Flauentem haud aliter demetit aream
Cum tondet Cereris pinguis munera
Pubes multa, sui & ruricolæ horrea
Stipat Triptolemi bonis

1164 Turcarum vt didicit maximus, in sua
Cladem barbarie, luctibus ingemit,
Et complens querulis aera quaestibus
Diuos voce laceffijt.

Sic illex rigidis tonsa bipennibus
Immensâq; virûm vertice ab arduo
Vi deiecta, ruens proxima ad omnia
Horrendum eiaculat sonum,

Verûm ingens operas lætitia occupat,
Et defuncta suis turba laboribus
Circum subsiliunt, tripudia & crebra
Forti in sedulitate agunt.

Hæc nunquam satis est, non satis est breuis
Hæc Musa, vt studium, mentem hilarem simul
Et plausum populi edisserat, in tuo
Obtutu inclyte Principum.

Dum Regno incolumis, dumq; Academiæ, &
Vrbi Sarmaticis Principi in vrbibus
Afflictæq; redis dum Patriæ, interim
O vindex Patriæ optime.

Longis

175
Longis se expediunt omnia luctibus
Cum plausu & fremitu, cumq; fauentium
Ingenti studio te excipiunt, sui
Autorem & Dominum ocij.

Atq; hic ipse tuo gratior it dies
A fulgore, tibi splendidius nitet
Lucis purpureæ Promus, & auream
Sol terris faciem exhibet.

Sacrosanctum etenim te sibi cælitus
Propugnaculum in hoc tempore, Dijs bonis
Concessum atq; vident, atq; sciunt probe
Aram his casibus vnicam.

Hoc fortunæ etenim est, hoc animi tui,
Infractiq; simul roboris, omnia
Hæc Regum egregijs structa laboribus
Quod non altus habet cinis.

Quod non Sarmaticum contemerat solum,
Exundans latebris flamma Othomannicis:
Hoc virtute Deum & Principis inclyti &
Æternum memorandi habet.

Nobis

1766 Nobis ille cruor, quo iuuenum recens
Flos vngui à Scythico, sparsit humum, pluit,
Cuius purpureo ex imbre, per oppida
Vernat pacis amænitas.

Quantum obstricta tibi, Maxime Principum
Et quam obnoxia sit nostra Academia,
Cui tanta ingenij copia, numine
Affluxit bono, vt explicet?

Cum vestra horrificam buccina tesseram
Bellant um & litui, raucaq; tympana
Clangenti occinerent murmure classicum
Et Martem elicerent ferum.

Musarum auriculis quàm nimium vtilis
Et gratus sonus hic, illæ acies choro
Sudant Phæbigeno, ac armiferis ruens
Æther sæpe tumultibus.

Hoc clangore sonant sistra Poetica,
Hos inter gladios, fulmina Tullij,
Et Demostheneos magna tonitrua
Bellonæ in fremitu æstuant.

His

His tantisq; Tibi o Maxime Principum
His, nostrum excubijs, constitit otium :
Nunquam posteritas posthuma desinet
Hoc narrare nepotibus.

Sed dum perpetuis plenus honoribus
Musis sacra subis tecta, Tui quoq;
Nostris in tenebris irradians iubar
Lumen vibrat Olympium.

Fortunata sibi nostra Academia
(Quæ non nostra magis, quam tua, mancupi
Et nexu ex atavis, vsq; tuis fuit
Magnum exemplum operis boni)

Fortunata sibi, nunc merito tuo.
Gestit lætitijs omnibus, vt suo
Lucem gymnasio, Sydus & vnicum
Illuxisse polo videt.

Victrix talis erat laurea Pompei
Quâ postquâ in populos, Romulidûm extulit
Et famam atq; genus nobile, & vltimis
Se ostendit regionibus.

Terrarum

Terrarum ille tamen victor, & arbiter,
 Fortunam, imperium, Possidij scholæ
 Submisit, veluti sit capitis minor,

Qui summo propè par Ioui.

Non tam Roma suos Martigenas canet,
 Nec tam Dardanidûm Pergama Apollinem,
 Aut quæ fama loquax, artifices suis

Diuos finxit in vrbibus.

Quantum posteritas nostra VLADISLAOS,
 Cælo stellifero laudibus inseret,
 Et vos magna Deûm stirps Iagelonidæ

Miscebit superis Dijs.

Æterna Austriacæ spes Domui, polo in
 Arctoo eximium sydus, vt vltimum
 Eoi venias excidium imperi

Horrendumq; Cerastem, ijs

Exturbes vtinam partibus, vt tuas

Victrices Aquilas, Magnaq; nomina

Demisso timeat poplite. Et hoc vouet,

Supplex vestra Academia.





